

西充縣志卷十三

藝文志中

賦

海棠賦

李昭治 邑人

海棠名西府者因蜀著稱也嘉昌二州並號海棠香國擅美天下西充郭外地曰海棠川植花數百本夜露滋華朝雲煥彩爲一邑鉅觀予愛其標格出羣風韻獨勝凌梅杏而爭春壓桃李而競秀遂爲之賦曰  
廣川之濱南岷之陽爰有仙花厥名海棠姿柔質麗冠乎衆芳若夫佳景良時春茂含滋迎陽吐葉結露抽枝跗穠破萼蒂弱垂絲氣芳馨而可嗅態倭墮而莫持或爭開向日或下蹕臨池嬌若捲紗之映肉煥若絳脣之凝脂至如王孫公子來遊川上駕金車而戾止把玉甌以相向覩冶容以褰裒對芳姿而怱悵指香林之最繁摘紅枝之初放俛淡白以牽情近柔嫵而凝望或賦新詩而詠其妙或摘彩毫而寫其狀其搖曳也若麗姝之試舞共酣紅也若西施之倚醉其明豔也若綠珠之新妝其嫵媚也若楊妃之熟睡爾乃回映滄波下臨翠渚恍湘江之遇二妃如洛川之游神女託微辭而通曹植解珮環而贈交甫淡煙

霏而嫋娜生漣漪翻而嬌嬈舞若鄭風美溱洧之蘭  
靈均重郢鄂之蕙廣平發逸韻於梅花小山寄幽思  
於叢桂莫不張皇其辭瑰麗鮮對未若此花獨冠三  
巴而特壓羣卉也

詩

古讖

漢 譙 周 邑人

典午忽兮月酉沒兮

廣漢城北有大賊曰流曰特攻難得歲在元宮自相

賊

蘸月井

唐 程太虛 邑人

銀蟾蘸影碧泉中萬里雲收湛太空直到清虛無一

物水晶宮映廣寒宮

漱玉井

程太虛

瀑布橫飛翠壁間微音入耳送清寒冷然一曲非凡

西充縣志

卷十三

藝文

中詩

一

響萬顆明珠落玉盤

馭仙峰

程太虛

山在虛無飄渺間傳聞峰頂馭真仙三竿紅日雲峩

裏一枕清風華嶽巔囊裏胡麻堪駐景鑪中妙藥可

延年更無弱水三千里便有蓬萊在眼前

宿鶴峰

程太虛

鶴峰岑寂隱相依頂戴硃砂白羽衣夜見千堆寒雪

積暗含數點白雲飛孤山隱去林和靖華表歸來丁

令威騎上揚州吾不願芝田有食養天機

步虛峰

程太虛

試說南岷第一峰步虛峰上勢凌空等閒翹足乘風  
馭便可騰身到月宮緱嶺上升王子晉羅浮飛過葛  
仙翁我今欲把三尸脫歸去蓬萊天界中

洞陽峰

程太虛

南岷勝概壓諸方東壁奇峰出洞陽尺五日輪纔晃  
耀大千世界便輝光扶開華嶽煙雲渺顯得蓬萊日  
月長世道廢興原有數浮沈聚散亦何傷

醮壇峰

程太虛

蒼松老檜擁華壇鶴唳猿嘯白晝閒煙篆香殘凌漢  
表風飄仙樂響山間高燒泰華金蓮炬齊到黃岡玉

西充縣志

卷十三

藝文中

詩

二

筍班獨步蒼苔尋故址恍然咫尺覲天顏

伏龍峰

程太虛

卓立南岷碧漢中彩雲祥瑞伏龍峰盤旋宇宙崢嶸  
勢鼓舞風雷變化蹤泉吐香涎通小竅煙籠蒼角挺  
喬松朝雲暮雨陽臺下不數巫山十二重

丹霞峰

程太虛

登高放眼亦寬賒五色祥雲晤彩霞纔接晴虹撐碧  
漢旋移旭日照天涯楓頭帶赤飄晨鶴林表翻紅閃  
暮鴉一抹深深知幾許碧桃枝上有仙家

磨劍井

程太虛

源泉巖溜漾清波  
淬出光鋸利太阿  
橋下斬蛟餘事  
耳斷除天下幾妖魔

清心井

程太虛

飛泉觸石玉丁當  
中隱神龍歲月長  
多少人間煩苦  
事只消一滴便清涼

濯印井

程太虛

一脈靈泉天地通  
金章玉篆洗磨中  
水清不愛人妝  
點印色何曾染得紅

草堂寺雪梅

唐何炯

雪在天兮梅在牆  
梅花與雪約難忘  
梅從雪裏開千

西充縣志

卷十三

藝文中

詩

三

片雪向梅邊  
點幾行點雪  
雪如梅有意  
滴梅梅笑雪  
無香試將梅雪閒  
吟弄踏雪尋梅到草堂

泚溪橋

宋趙渥  
邑人

油井小聚泚溪之濱  
夏秋雨集溝澮皆盈  
眾水所匯  
實病於行誰作斯橋  
龐君守真甯瘠一己而利他人  
此心與橋爲世通  
津我觀地水如車轉  
輪陵谷變遷  
成毀有因橋不足恃  
所恃者仁仁者之心與石不磷  
矢我銘詩刻此堅珉

按泚溪橋碑在治東油井鎮宋紹興二十五年朱  
綸募修淳熙三年圯邑士龐守真獨補修之十八

年落成高一丈二尺廣一丈修八丈  
有奇邑令迪功郎王端更一名惠成橋

降真巖

宋何羣邑人

鳳頂孤峰聳絕奇，仙家雲馭久棲遲。  
飛騰岷嶺元和日，留記山巖景祐時。  
水透山阿朝北坎，山開井勢拱南離。  
他年殿閣鳴鐘磬，廣運重開帝載熙。

過紀將軍祠

明張海郡守

秦人失鹿世爭強，三載相持在戰場。  
高祖百年成漢業，將軍一死解滎陽。  
功同樊噲窺雄楚，計鄙荊軻刺始皇。  
不獨於今名不泯，昭昭勛烈海天長。

錦水棠風

明楊瞻

川光日射錦溶溶，花睡初晴兩岸風。  
輪與漁人爭秀色，問津不逐武陵紅。

西充縣志

卷十三

藝文中

詩

四

色問津不逐武陵紅

題資福寺

明高鵬邑令

老松護殿色蒼蒼，水過虹橋到竹房。  
一脈龍池雲結蓋，千尋佛閣鶴來翔。  
煙波繞寺生佳氣，桃李逢春遞遠香。  
種種風光堪靜賞，振衣直欲繞迴廊。

南岷山

高鵬

陟彼南岷雄鎮古，悠悠旆旌載仰載。  
俯有壁斯崇有澗，斯阻奠我蒸民。  
遠彼外侮，

陟彼南岷，厥峰高亢。匪峰則高，惟民之望。  
陟彼南岷，厥石剛怪。匪石則剛，君子之介。

岷之水潭潭兮嗟彼美人源源兮岷之粟盈盈兮荷天之祿繩繩兮岷有楠參天其色彼曷悴兮歲寒之節岷有筠清漪其叢彼絕俗兮眞人之風

南岷山

明馮賢邑人

花煖鶯聲囀靈宮事事幽驅騶詢民瘼擊節聽村謳井渫清如許山屏翠欲流眞人遺勝跡千古一追遊

梁司馬侯瑱墓

明楊瞻僉事

再鎮湓城日提兵屬此公力謀梁社稷官拜漢司空前後三持節東南復總戎至今江左地書史紀宏功嶽降生申甫鐘彝列上公江南龍運卷冀北馬羣空

西充縣志

卷十三

藝文中

詩

五

眞節熟經國雄謨倚馭戎懇勤梁社稷首紀太常功將軍神宇

楊瞻

滎陽一火自甘焚忠烈千年廟尙存卻歎重瞳偏易誑坐觀黃幄出東門

北福禪關

楊瞻

茅菴小結俯清泉聞說圭峰此坐禪細雨山前飛白鷺香風石上吐青蓮

南岷仙境次方山題

楊瞻

騎鶴仙人去丹霜猶未銷萬魔仍退伏五嶽願來朝遺竈鬼神護空庭風雨寥不知明月夜林外尙聞簫

書乳泉壁送客

明任瀚邑人

青絲絡玉壺纖杯傳紫粿誰家俠少年繫馬山樊花  
花飛送春春不顧千山萬水落紅雨天香斷盡翠微  
寒林深無人子規苦掃破愁雲望入都杜陵揚雄今  
有無浩歌一聲天地老塵尾擊斷青珊瑚黃梓谷楊  
方洲誰爲我楚舞我爲若楚謳金疊不比洞庭闕安  
能洗君萬斛愁黃金如山買歌笑達深意只應孤月  
共寥寥

登南岷山

明李乾德邑人

一上南岷頂蕭然雲岫冷真人何處是笑指山前井

西充縣志

卷十三

藝文中

詩

六

客楚懷大兄時聞賊陷西充

明李兆邑人

鵲令原上虎狼威衰病何由插羽飛不肯彈冠承僞  
檄猶從躡屐採山薇鴻毛視死憐君在蠻服偷生媿  
我非縱使他時姜被共那堪家國願俱違

謁紀侯廟

明潘亨識郡守

巍巍傑閣俯南山烜赫威靈宇宙間滌澤焚身全漢  
業沛中仗劍識龍顏石橋水滿虹留影松樹煙消鶴  
自還今日登臨成感慨落花飛雨正斑斑

再謁紀侯廟

明徐端邑令

閑來再謁紀公堂回首青山半夕陽巖下老梅猶的

的階前古柏自蒼蒼神遊八極昭前代血食千年在  
故鄉不似淮陰韓國士功成祇使後人傷

虹橋桂月

國朝 戴民凱 邑令

空山煥色野雲平寒澗流光宿霧清樓閣廢興燈寂  
寂石橋波際卧分明

北福禪關

方曰定 邑令

安逸開山北福傳幽棲遁跡一閒仙前朝寵賜稱居  
士遺院皈依鍊老禪琴洞水聲風暗度書樓山色雨  
相連攀巖踏破白雲去不敢登臨忘昔賢

南岷仙境

方曰定

西充縣志

卷十三

藝文中

詩

七

晉城郭外覓仙蹤望遠南岷逸興濃幽洞泉分八九  
井古壇巒列十三峰丹爐草長茸茸短玉篆雲生疊  
疊封一自真人尋鶴去尙餘翠柏與青松

題西嶽峰頂

李映庚 邑人

迴出層霞外千峰極目平樵歌答巖響雲路入風聲  
天宇眉邊近人煙杖底生莫愁高處冷喜見曉光晴  
紀侯廟

失名

聞道將軍是邑人扶龍今有幾家村甯存卯金死義  
氣未必丁火灰忠魂周苛一烹後世顯湘潭互出史  
筆渾

湘潭紀侯  
子名

漢封班史俱兩負負與不負何足論

化鳳山

袁錫袞邑人

鳳是何年化今古巖邑間造物蘊靈氣而爲化此山  
此山亦非偶九嶷堪作友蒼翠閱年深幽靄長自守  
家住邑城東適與鳳山通俯仰隔世代來往共誰同  
春暮褰裳歷四顧煙霞閔惻然動我思俯首不忍覲  
憶昔全盛時把酒動遐思轉瞬指方屈景物竟如斯  
日薄西山暮斂袂尋幽處勝遊難再期韶光豈虛度  
殷勤謝仙翁莫負青蔥樹明發復登臨不以興廢故  
遊上方寺

陳我愚邑人

相逢且莫問行藏贏得秋花處處香水綠山青舒客  
眼鳶飛魚躍助詩腸參天古塔凌雲起覆地蒼松繞  
石涼到此徘徊不忍去頓忘梁苑是他鄉

遊常甯觀

李 泉邑人

峰迴路轉插青霄杖履追隨伴寂寥有酒攜來千日  
醉雲堂鐘鼓任僧敲

春感

馮天培邑人

香車寶馬去悠悠載酒尋花陌上遊借問春光誰賦  
得飄零王粲未登樓

答客

趙心抃邑人

君問西川路雲邊白帝城但逢明月夜處處擣衣聲

譙周墓

蓋方泌 郡守

譙周蜀士亦人聞  
歷劫千年尚有墳  
不向陰平爭地利  
却憑圖讖說天文  
出師表憶先丞相  
仇國論成降將軍  
四十年中孱弱主  
爭教鼎足莫三分

前題

彭長泰

雖識天心在衰年  
豈愛軀勸降書是誤  
仇國論如迂墓老孤  
城曲祠荒宿草蕪  
嗟哉終寂寞萬古一  
長吁紀將軍廟

王士正 學使

東門黃幄競傳呼  
從此咸陽入帝圖  
若遣封侯身不死  
也須鍾室避娥姁

西充縣志

卷十三

藝文中

詩

九

板橋落成

高汝儀 教諭

長橋重建晉城西  
兩岸懸來鏡裏梯  
恰喜輿梁成臘月  
不愁正道隔山谿  
詩緣白雪吟驢背  
客借青霜襯馬蹏  
慚愧相如能奮志  
至今石上尙留題

白雲菴

趙源治 邑人

漪園春欲曉梅試  
一枝開石逕靈空  
處間間數舊苔  
送同年李之任湖  
廣

吉頤貞 邑人

盛世崇儒範金臺  
頌盍簪彈冠初展  
驥飛舄仁鳴琴霖  
雨春方合蜚鴻野  
正吟定知能卧理  
一慰故人心化鳳  
山謁紀將軍廟

劉治傳 雲南人

羣雄逐鹿楚稱強  
蹙蹙驂騑躡戰場  
曾弔忠魂登廣武  
今瞻遺像憶滎陽  
甘投赤焰恣虓虎  
快剖丹心脫漢皇  
化鳳山頭歆俎豆  
英風凜凜共天長

常理公同年祠堂

劉繩祖

邑令

忠孝兩全遭際艱  
捐軀報國重於山  
金川事去家何在  
遼海人來鶴不還  
鵑血愁魂秋樹外  
虜頭墳壘夕陽間  
可憐兒少親年老  
夢遶泉臺涕淚潛

林口寄懷西充紳士

劉繩祖

川北川南路阻長  
那堪回首望河梁  
風吹林口雲千片  
秋到虹橋月一方  
父老不忘前長吏  
使君猶愧舊

西充縣志

卷十三

藝文中

詩

十

甘棠倘蒙朋好遙  
相問塞外淒涼兩鬢霜

鳳凰山

齊繼祖

遂甯人

南岷插霄漢西溪流  
湯湯春風二十里來登古山岡  
此山詎飛來其名爲鳳凰  
蚩尤昔肆虐於此始滅亡  
長箭貫其胸磔骨復屠腸  
雖快一方心其罪豈足償  
到今行人過感嘆有餘傷  
回首望全川浮雲鬱蒼茫

書樓山

齊繼祖

森森松桂鎖山樓  
萬卷輝騰逼斗牛  
此地遂傳千古事  
何人苦作十年留  
峰頭爽氣心須領  
世外囂塵足不投  
寄語先朝徐相國  
輸君巖穴獨藏修

題官祿山徐丞相墓

孫應麟長洲人

新煙著柳曉寒輕  
陌上千家出掃塋  
官祿至今殘碣在  
年年杜宇訴春聲

織機山

虞時楫金壇人

織機山頭木葉飛  
織機山下送人歸  
當年仙女今何處  
白雲橫遮巖下扉  
機聲軋軋來天上  
桃花李花開相向  
仙女甯辭秋夜長  
人間卻自生惆悵  
東飛伯勞西飛燕  
黃姑何日重相見  
貧女無衣十月寒  
安得雲霞飛作練

弔三忠詩

費錫璜新繁人

西充縣志

卷十三

藝文中

詩

十一

三忠者尙書李公乾德御史李公完衡陽令張公  
鵬翼皆西充人也尙書巡撫湖南時殺流賊最多  
逆獻破成都尙書一家殉節自沈於月波驛御史  
當西充破時賊黨高凌雲執至成都不屈死衡陽  
令張公逆獻破衡陽闔家死湘水

君不見南岷山頭兩李公  
節炳日月死事同尙書沈  
身月波驛御史絕命錦城中  
又不見張衡陽罵賊不  
屈死瀟湘湘波渺渺生蕙茝  
永與屈原同流芳山城  
斗大出人傑一時三忠名  
最烈殺賊當年志未伸  
俎豆雖陳氣猶結試看金山  
礫獻忠萬古千秋忠憤洩

流杯池

崔鼈邑人

羽觴宛轉下文波雅韻傳來晉永和禊罷散歸重序  
飲文章誰似柳州多

鳳嶺朝陽

何煥教諭

鳳嶺岩堯逼太清高騫五色兆文明可能翮羽來窗  
畔翠竹蒼煙野水橫

龍池法雨

何煥

半畝方塘水氣浮傳來此處是龍湫談經夜月諸天  
靜花雨紛紛落未休

錦水棠風

何煥

西充縣志

卷十三

藝文中

詩

十二

溪流一曲抱城隈夾岸棠陰映水來花信幾番吹更  
好枝枝搖曳舞風開

山齋靜坐

宋鼎訓導

門館人稀到雲開疊見山鳥啼青嶂裏花落絳紗間  
息慮經年靜忘機鎮日間溪頭新月上流影到溪灣

書李虞臣記誅張獻忠事後

費錫琮新繁人

太陽溪隔飛長矢鳳凰山下鼓聲死何年青犢走人  
間血濺刀鏃流不止喪後猶聞毒草生刺傷肌月沈  
難起噬人猛獸黑斑爛金山埠冷愁行旅吁嗟乎西  
土瘡痍困賊氛黃巢白波今已矣彤管誰將往事書

不成信案成疑似家山留得楚三尸亂後相逢話鄉  
里縱然海寓劫灰深自有子遺親見死父老歛歔淚  
慟流異辭流播訛青史

懷李光岳侍御

趙心鼎邑人

青犢稱兵日常山陷賊年力微思反正志屈竟歸泉  
夜月悲禾黍春花哭杜鵑維應芸史上長此大名傳  
龍池法雨

趙心鼎

青蓮山下漾方池龍悟聲聞應自奇一聽梵香神變  
化頻飛法雨韻參差舞從雲漢靈光異澤霈郊原物  
彙宜野草積莓澄碧沼可容借此滌詩脾

西充縣志

卷十三

藝文中

詩

十三

扶龍村弔古

王之鵬邑人

閒尋古蹟弔忠魂墟落空傳舊將門就義從容排主  
難成仁慷慨報君恩漢家得鹿今無土紀氏扶龍舊  
有村寂寞荒祠清晝永居人猶自薦雞豚

海棠川

王之鵬

程村谷口一灣斜饒有花名勝若耶最愛曉風吹欲  
笑更憐晚日暖含葩舊聞嬌影浮青浦今少殘英點  
白沙溪上嫣然餘韻在肯教香國競相誇

遊海棠川

黃侗邑人

乘閒結伴步城東半畝名花一澗通未放新苞含嫩

綠先開小朵露深紅無香莫道初逢雨似睡多因未  
著風勝蹟至今堪共賞歸來新月已當空

迎薰樓

馮天樞

邑人

高城雄峙構岑樓四望晴嵐繞檻浮九井遞深連化  
鳳雙橋遠亘偃蒼虬南窗靄靄迎薰暖曲澗涓涓咽  
石悠此日追陪成勝事千秋憑眺憶同遊

雙嫗行

劉志學

宣城人

君不見西充李家兩嫗事絕奇一袁一李擅高姿萬  
死一生救公子何異託孤寄命之所爲袁嫗李家一  
使婢出居別室驚無比李嫗足不出戶庭乳得公子

西充縣志

卷十三

藝文中

詩

十四

方九齡獻賊屠西充最讐李御史御史兄侍郎客黔  
未還里一門被陷不能脫獨脫侍郎之公子袁嫗自  
外急入門隨爲公子變衣履負之月夜走南充同冒  
兵戈百餘里南充強姓豪有力庶幾倥傯堪相倚古  
廟逢僧卽是強患難相依不勝喜素知強本李媼姪  
公子可託潛居此嗚咽再三屬之去聞者酸鼻淚瀾  
瀾公子愁此名勝地寇賊儻來何所恃詭言某邨某  
嫗素憐我意欲辭此暫之彼崎嶇歧路住經旬中心  
搖搖邁靡靡俄聞道左哭聲來倚門屬耳懷疑猜辨  
聲識得果乳母相持一慟肝腸摧母喜公子幸脫難

密使同行潛負回閉之石困複壁中佯爲四出尋無  
媒鄰人不知公子返但聞李乳晝夜啼哭聲哀哀侍  
郎遣人問家室李嫗方將公子出憇憇其夫伴去人  
倉皇送依侍郎膝自此骨月復團圓始終皆緣兩嫗  
力我觀此傳心噦噦家亡國破誰能扶自顧多不暇  
安能爲主全一藐諸孤袁負公子去南充獨往獨來  
鋒鏑中那知一戇婢有古烈士風李取公子藏複壁  
彼賊多奸不能識失之泣得亦泣智勇深沈更難及  
瞿塘逝水舞顛狂豈知灩澦撐茫茫甯俞保身還庇  
主長與春秋載筆增輝光

西充縣志

卷十三

藝文中

詩

十五

西充李義士歌

有序

劉志學

義士原范姓名士龍西充人明季隨西充李侍郎  
在外十數年未嘗離左右獻賊屠西充侍郎客黔  
遣義士歸視見公子爲乳母匿複壁中未遇害義  
士大喜曰此可以慰主公矣卽出公子於複壁身  
送侍郎所迨義士再歸西充山中妻子五人俱餓  
死迄今人但知袁李雙嫗之救公子而不及義士  
由邑乘軼之也儀徵明府李虞臣卽侍郎公之孫  
爲予述其事甚詳尙感嘆噦噦不自己予不忍義  
士之泯滅無傳爰附歌於雙嫗行後

李義士家西充遠隔南黔山萬重初承主命甯家室  
一路干戈搶攘中山中多年漏茅屋謾謾松濤連野  
哭歸來妻子泣褰裳亂後重逢休再出團圓不料轉  
倉皇漫說還鄉便戀鄉萬死一生公子在而今複壁  
莫終藏明公穿眼黔南道相送嚴程到須早誰知狼  
狽再歸來家室淪亡不自保我聞此事最心傷公而  
忘私氣激昂百歲悠悠編邑乘誰爲潛德表幽光頃  
作雙嫗行詢知義士節彼旣共流芳此獨何泯滅君  
不見晉文昔日賞從亡縣上原田空夕陽

題袁李兩嫗忠義

劉其琳

宣城人

西充縣志

卷十三

藝文中

詩

十六

果州烈婦傳袁李互流芳百計全公子千鄉達侍郎  
南充遙可負複壁近能藏慟哭歸來後深謀未易量  
不徒雙嫗苦公子更奇才親老途雖遠身存信自來  
垂髻方九歲勝算已千回畢竟烽煙淨重逢景運開  
九井丹泉

宋安遠

錢塘

十三峰洞處九泉水常丹不待絲爲縷何須錦作欄  
每供仙虎飲或漲伏砂乾頻洗祈年印雲生似湧瀾  
紀襄平侯墓

宋安遠

乘車誑楚策勲奇左袒安劉更有兒鎖鑰僞從諸呂  
任門闥啟待北軍馳名留青史知無憾墓在巴山永

不遺平勃藉君功業建並傳千古復奚疑

題紀將軍廟

李棠邑令

漢業艱難百戰秋焚身原不爲封侯敢於誑楚乘黃  
幄遂使捐軀重泰邱隆準單騎從此脫重瞳雙眼笑  
誰酬於今荒草空祠宇一片忠魂萬古留

龍池

李棠

寶刹通幽映碧泉高僧梵唄古來傳於今風雨蕭蕭  
夜疑有神龍近講筵

除夕答劉子越

陳我愚邑人

異國欣相遇今朝又半年才名君獨重愁緒我猶牽

西充縣志

卷十三

藝文中

詩

十七

戎馬何時定飄零計日旋交深情倍篤談笑豈徒然

登化鳳山

陳我愚

鳳山隱隱接青霄隨意登臨度石橋雉堞層層棲頂  
上羣峰環拱若來朝

流杯池

袁家龍邑人

池臨溪畔舊傳杯勝跡猶誇作賦才啼鳥數聲人盡  
去流霞一片客還來萋萋日極河邊草漠漠愁生石  
上苔回首當年歌舞地於今空對月裊裊

過織機山

陳我志邑人

疇昔曾聞織女洞今來始見織機山何年仙子乘雲

去勝跡還留在此間

會龍橋

陳策

邑人

兩水交流夾鏡光  
波光文如縠  
野花香會龍橋上  
秋晴望碧草黏天  
雁陣長

南岷山

李昭漢

邑人

凌虛石磴鎖雲扉  
道士遺蹤在翠微  
明月松間長似舊  
更無人躡紫霞飛

冠紫山

李昭濟

邑人

東皋欲出月悵望  
前山巔家傳柱史經  
紫氣共蒼然何處寄  
吾懷雲路溪水邊  
卽此暢遊興今宵應  
醉眠

西充縣志

卷十三

藝文中

詩

十八

遊龍臺寺有感

李昭濟

花宮碧殿韻蕭疏  
日照長廊罷講初  
細竹團圓生石砌  
幽花爛熳點庭除  
磬鳴過午人方覺  
葉落驚秋鳥自如  
塵世屢更碑版在  
一回讀罷一躊躇

紫崖山

李昭治

邑人

尙書故里紫崖山  
遺廟千秋石壁間  
回首磁州腸欲斷  
白雲無際水潺湲

過金蓮院尋圭峰神師碑

李昭治

雨霽微煙冪歷時  
溪山路曲馬行遲  
重來爲愛金蓮院  
悵望誰知白石碑  
籠竹影移新月上  
藤花香動晚

風吹征鴻過處秋空碧遙指高峰是鷺鷥

海棠川

李昭治

碧澗澄空藻荇香縠紋風暖浴鴛鴦半巖綠霧藏山  
藥十里朱霞醉海棠煙外不聞人語響沙邊惟覺水  
流長空懷舊事無人問惆悵當年作賦郎

十三峰

李昭治

溼雲迷漫山青蒼秋蟲蠹蝕古殿梁竹枝結翠松花  
香云是太虛舊草堂仙翁蟬蛻向何處丹鑪火冷雙  
鶴翥遺跡茫茫不可求洞口煙橫白日暮

處士草堂

李昭治

西充縣志

卷十三

藝文中

詩

十九

處士何年此卜居客來指點舊茅廬知君識得商山  
趣不羨人間佩紫魚

織機山行

李昭治

君不見織機山軋軋機聲帝女攀任爾練絲投石室  
時時束帛落雲間層峰遠接西充縣城郭煙林恣凌  
眊大東小東杼軸空那得茲山平地現丹梯直上千  
尋多芙蓉一朵兩朵青嵯峨玉壘雲連紅勝錦巴江  
水遶疾如梭崖居最羨仙人好七夕家家爭乞巧那  
知河漢渡雙星會少離多愁未了吁嗟乎貧家女爲  
富家織中夜太息復太息絡緯鐙前聲唧唧佳期欲

卜須君平可能認取支機一片石

紀襄平侯墓

李昭治

乃翁曾誑楚嗣子復安劉古墓巴山下殊勲漢殿頭  
忠貞原世篤蘋藻問誰羞代遠逢兵燹噓斷碣留  
西玉山

李昭治

策杖尋幽谷紆迴山幾重露滋千品藥雲鎖百年松  
未見林中衲先聞嶂外鐘何當凌絕頂細數夕陽峰  
處士草堂

張星曜  
邑人

一曲蓬蒿處士家箕山潁水望中賒當年高隱人何  
在賸有茅堂對野花

西充縣志

卷十三

藝文中

詩

二十

城南看桐花

趙  
櫛邑人

麥雨初晴乳燕忙桐花新放滿林香花間小鳥羣飛  
過幾處人家在夕陽

南岷山

王  
冕邑人

南岷高迥古稱雄向有幽人隱此中嶺樹摩青攢碧  
漢石泉噴白引長虹羣峰市地羅星象一柱撐天掛  
日宮東瞰大方千百嶂互呈蒼翠興無窮

春日西溪偶步

楊元章  
邑人

海棠花落燕飛忙步出西溪問草堂寒食才過春未  
晚家家麥麪出籠香

迎薰樓

黃瑞鶴邑人

迎薰樓上望朝暉  
水淨山明草色肥  
一道河流山四合  
半天雲影鳥雙飛  
春深野女尋花過  
日暮樵翁採藥歸  
更有仙風來木末  
滿空涼氣襲人衣

徐丞相墓

李伸邑人

昔賢遺葬白雲邊  
孤塚荒涼石徑連  
綠竹黃花悲此日  
玉簫金管憶當年  
沙隄有跡生春草  
石馬無聲卧晚煙  
陌上行人休嘆息  
西陵松柏總淒然

書樓山

李昂邑人

丞相園林空古邱  
青山猶賸舊書樓  
蜜房未割蜂仍聚  
花市初開蜨正稠  
瀲灩水光沙上度  
陰晴樹色檻邊收  
殘碑看遍斜陽盡  
石上遲迴興未休

西充縣志

卷十三

藝文中

詩

十一

九日遊鳳嶺訪程太虛古洞

龐正道邑人

岩巖天尺五乘興御空行  
石磴層雲上寒花一路生  
村煙分隱見山色半陰晴  
何處眞人是幽泉響谷聲

次李明府廣寒宮避暑原韻

龐正道

炎威逼體不勝練  
控鶴三霄掄羽扇  
廣寒宮裏水氣盈  
泠泠侵人滌香汗  
天籟無聲日曛曨  
瓊樓高處煙暑空  
卧聽霓裳幾度曲  
留人最是桂枝風

將赴西充任適檢得王魯之紀將軍安漢歌因而和

之

陳維塾  
江人

逐鹿拔山自天降氣吞漢王  
膽先喪殷雷震地鋒莫當  
楚氛彌天窮所向不死則降  
無二詞降旗難保漢無恙楚  
人之計既堪虞秦庭之哭又  
誰仗風號烏角草木兵險過  
鴻門酒翻浪樊噲大啗生彘  
肩此時應愁獅搏象幸有當  
日紀將軍擎天得柱一何壯  
大王三尺奠乾坤小臣七尺  
作保障策名雖與噲等伍序  
功直宜蕭何讓卽今炎漢火  
德湮談及將軍神猶旺矧將  
驅馬入西充扶龍村更竚目  
望和就王郎安漢歌擬聽輿  
人下風唱

西充縣志

卷十三

藝文中

詩

廿二

登南岷山

李光陽  
邑人

占得高峰第一籌振衣纔上翠雲樓  
鶴翔遠勢凌空舉泉赴輕湍盡日流  
滿郭人煙初向午半林風雨帶深秋  
到來不羨籬邊菊欲把仙蹤問十洲

東皋雨霽

李倓  
邑人

嵐光排戶闥曙色拂新晴縹緲千尋直  
瞳矐半郭明泉飛添瀑布鳥語聽催耕  
新水分秧足田歌起頌聲扶龍村弔古

龐愨  
邑人

志切扶龍不計身甘將七尺作煙塵  
漢興已兆滎陽焰楚滅甯逃烏水濱  
百世流芳非借史千年弔古尙

思人忠魂應共乾坤久惆悵孤村覺未泯

庚申仲冬避兵新津村邸

時連日雨雪

龐 懃

沙場何日靜烽煙驚鳥東西只避弦脫粟兩飧和雪  
煮琴書一擔傍人眠無才未獻長沙策有感欲揚祖  
逖鞭百事違心惟縱酒異鄉半是醉鄉天

鳳凰山

費錫璜

新繁人

欖槍煜爚走狂飈誰遣乖龍下赤霄巴蜀百城都洗  
盡才開石桶斬黃腰

登南岷山

李 莊

邑人

偶欲尋春興正濃南岷何處覓仙蹤彎環路熟通三

西充縣志

卷十三

藝文中

詩

廿三

徑咫尺天疑透幾重苔滑時看山拱揖雲閒自覺雨  
從容我來眼界寬如許擬上蓮花第一峰

讀書龍臺寺

李 莊

寺坐翠微天界開龍臺舊是讀書臺關心水故當窗  
去識面山疑入座來人在煙雲深處老詩從風月靜  
中裁文章誰信能憎命花滿長安待儁才

江樓晚眺

在果城作

李 莊

誰寫嘉陵滿幅秋黃昏天氣客登樓月初臨水雙鉤  
映塔晚橫江一字浮船不渡人留浦口山如待我出  
雲頭魚龍寂寞多清興爲賦新詩當酒籌

暮春陪司訓洪相山登孝廉山劇飲作留春會分韻  
得草字  
李 莊

我欲餞春歸三月春正好我欲攜春來三月春漸老  
惟作留春圖春在人  
不惱把酒告春皇力挽蒼龍道  
鳴禽識我心聲聲相致禱巖陰尙有花徑仄爭茁草  
滿園綠飛莢滿田青  
種稻晴明登山望風清塵盡掃  
發育氣之豪其如世熙皞妝點物之工其如文采藻  
人生在青年各自抒懷抱今年同留春年年春來早  
通州校士懷李墨君  
卓秉恬華陽大學士

西充縣志

卷十三

藝文中

詩

廿四

隔跌宕才名日下聞三月鶯花曾疊韻幾年風雨又  
離羣雪泥鴻爪尋陳跡徙倚迴廊定夕曛

輓邑侯李旭亭

張 恕成縣人

在天列宿在官郎手摘芙蓉帝座旁兩袖清風歸劍  
閣一簾明月憶琴堂滿城桃李迎風秀繞砌芝蘭挹  
露香仙吏應知身後事行看馬鬣待焚黃

留別

孫 濂邑令

徙倚山城欲去難紛紛祖餞擁河干渺茫天意催遷  
客醕厚民風愛腐官治譜誰爲籌衽席生涯未敢樂  
漁竿前身若有良緣在又向巴西策又安

小濂溪七絕四章

周 煒邑人

予重涖華亭公餘之暇就東軒隙地鑿一月池植  
魚植蓮顏曰小濂溪並賦七絕四章聊以誦先人  
清芬之意云

鑿池小沼樣如弓卍字闌干九曲紅古柏靈根橫水  
際天然橋影落長虹

綠波魚戲任東西菡萏新栽倩小奚高躅輸他蓮社  
友願將心性證濂溪

也愛窗前草不除自家意思一般如最宜霽月光風  
裏君子名花靜對余

西充縣志

卷十三

藝文中

詩

廿五

香風約略滿簾侵清夢攸然伴鶴琴聽得花間殘漏  
轉芙蓉十二點池心

野祀行

何紱榮邑人

讀王沙鷗睢陽行有感而作

文成飯書牛腹裏五利軍將佩六璽入海求仙巡海  
還茫茫仙跡緱城雉郡國詔書尺一來名山宮觀競  
霞綺作俑莫罪公孫卿不從一夢金人始蜀中自昔  
好祠祀宇圍金碧帳圍紫况乃蚩蚩井底蛙慣信神  
仙能不死一兒朱家髡鉗奴傳言瀛海天仙姊頭如  
蓬葆梳雲鬢華勝穆穆環繫耳腰間新著湘紋裙羅

韞生塵大珠履十丈蓮花高坐臺萬人下拜千人跪  
香花作供蠟燭鮮獸爐錢滿蔡倫紙龍媒雉翳鬼爲  
神神不能言鬼能使雞皮數鬼笑揶揄就裏賺人弄  
奸宄石罅潺湲滴乳泉十錢一滴珍石髓雲根蓬顆  
呼爲丸一顆十錢珠纍纍幾處爭買泉與丸奔忙不  
惜賣絲泉囊中賸得青銅錢明日再朝石獅子君不  
見鄴中大令西門氏三老生沈漳水底又不見狄梁  
公曾妖廟焚昌黎伯將佛骨毀隴西盧江兩秀才談  
到此時投袂起六月望辰隆暑天款段一揮四十里  
廟門下馬眾山驚觀者如堵人如蟻神鬼暗中心膽  
寒足交股栗顙有泚任儂指摘伊唯唯大笑一聲技  
止此

西充縣志

卷十三

藝文中

詩

廿六

嘉陵晚渡

陳懋修

邑人

古跡幾煙霞黃昏客返槎江流奔夜月燈火印漁家  
兩岸猿聲接千重雉堞遮渡頭歸棹去前路問三叉  
梁將軍侯瑱

龐澤新

邑人

克靖邊烽息斗刁臺城秋盡雨瀟瀟岷山  
埋忠骨搔首寒雲憶六朝

公葬處

有幸

弔前明李雨然公乾德

龐澤新

氣節無雙日枕戈天心已去喚如何至今驛外

公在月波

驛殉節

灘聲壯淒慘忠魂咽月波

邑侯常公祠

龐澤新

長白山頭去不歸荒祠遺像仰芳徽而今人步棠陰

下猶悵金川

川公運糧金與難

未解圍

築南岷寨感懷

龐澤新

崇墉氣象更重新屈指前朝五百春十二峰頭尋古

跡惟餘山月照元人

元馬蒙古歹修寨處今重築之

三秋監役轉三冬萬杵星霜累老農日落惚忙工未

已山僧又打暮林鐘

金山爭送此煙巒習習薰風透佛鬢俯視人家千萬

西充縣志

卷十三

藝文中

詩

廿七

出天然一座好雄關

消盡輪蹄幾度春知途老馬厭風塵山靈解語應相

笑嗤我憂心作杞人

庚辰九日登鐵印山集文昌祠

李燦瑚

邑人

攜壺載榼步煙霞重九登高興益賒界接三千還近

月人偕五六半乘槎鴻書韻叶雲邊字洞草秋涵鏡

裏花酒盡呼沽杯載把明年此會隔天涯

紀將軍祠

楊澤溥

邑令

拚得孤身死代君精忠千古屬將軍故村不愧扶龍

號諸將休言汗馬勲漢待功臣殊太薄王封異姓竟

無聞祇今祠宇風蕭瑟滿樹寒鴉噪暮雲

鳳凰山

楊澤溥

曾從蜀碧搜遺事我爲巴人太息深劫遇紅羊天亦  
醉寇如黃虎古難尋兇頑到此終梟首父老於今尙  
快心二百年來乾淨地當時戰血久消沈

題梁大司馬侯公墓

沈恩培 邑令

靈爽千年在侯公信可傳霞光今燭地劍氣昔冲天  
鏖戰雷霆銳精忠日月懸任教陵谷變墓碣尙巋然  
間氣鍾西土堂堂溯上公河山留勝蹟鐘鼎紀殊功  
報國期平虜傳家世篤忠摩崖碑再建亘古仰英風

西充縣志

卷十三

藝文中

詩

十八

前題

劉國瑜 教諭

荒草埋忠骨英靈著上公當年成偉績此地葬元戎  
浩氣河山壯殊勲父子同遙遙千載下遺範仰西充  
覽勝懷前哲登臨倍惘然大風摧古木殘碣卧荒煙  
世運滄桑變勲名史冊傳而今碑再建端賴使君賢

前題

杜毓英 邑人

虎視東西魏蕭梁賴有公江關嚴鎖鑰忠義壯兵戎  
爲挽金陵運先爭玉壘功青山餘片石物色詎成空  
蔓草荒煙地將軍勝蹟傳殘碑春篆蚓古木夜啼鶻  
往事懷盆浦精靈繞蜀川墓門誰是伴天外月常圓

紀將軍祠

高培穀 邑令

鑾輿一出誑重瞳隻手安劉頃刻中免死未能同丑  
父並生不信有丁公已知諸將難爭烈還喜佳兒共  
効忠今日鄉邦拜遺像披來黃袞尙英風

鳳凰山

高培穀

共說元兇此就刑何因載筆誤鹽亭刀爭鬪處人都  
快矢果飛來讖有靈碧血至今迷舊跡蒼山終古染  
餘腥草間偷活殊難信未必天心太杳冥

西充署雜詠四首

燕寢凝香

高培蘭 貴州人

西充縣志

卷十三

藝文中

詩

廿九

消閒酒盞與茶甌未必餘芬座尙留卻有香風吹隔  
院芙蓉九夏桂三秋

得月臺

高培蘭

紫薇花發傍歌場座少荷風亦自涼每到黃昏先得  
月只因一半在池塘

梯雲樓

高培蘭

石欄苔冷不堪憑放眼還須上一層最好暮雲山外  
路千行白鶴半飛騰

可詩齋

高培蘭

草色青青滿一池春光領略已多時枯腸搜盡無佳

句辜負齋名署可詩

甲戌重過晉城留別高怡樓太守

楊紱章貴州人

家君前作宰蜀亂未興時美錦傳初政豐碑有去思

滄桑今屢變慈惠眾皆知聽到閒居賦都嫌遇合遲

學禮記趨庭阿連尙弱齡壻鄉還遠贅季弟漢卿爲高怡樓太守

妹壻來就婚

官閣得重經父老推前愛山川改舊形吟鞭

今又發夜雨共誰聽余回錦城漢卿留充

充國展經綸蒼生誦德頻蠶桑民事重文學訓詞新

循吏能三代令祖青書先生歷官兩粵郡守尊甫秀東姻文作宰蜀中均有循績當時

有幾人黔山亦增色不僅霍家親

西充縣志

卷十三

藝文中

詩

三十

鴻爪尋前迹豬肝累使君風霜催上道樽酒悵離羣

花徑吐香雪山亭生凍雲並添他日憶投轄况殷勤

乙亥冬日簡高怡樓太守  
楊紱章

紫荆庭榭月團圓幾度句留共惠連佳氣應知添檻

外巍科忽已壓兄前癸酉余與仲弟同士同舉於鄉乙亥季弟漢卿復冠一經長

安挾策期他日官舍分襟悵隔年爲問園花相憶否

狂奴故態尙依然

過肅王擒張獻忠處

趙秉忠汛官

帝子當年下九霄薰天逆焰一時消北來旌節從天

降東去江流帶血潮已報紅狼餘燼息尙聞金馬餒

魂招青山閱盡滄桑事亂葉蟲聲話勝朝

齊雲樓

馬士琪

閩秀

憑欄天際盪心胸呼吸雲飛接岱宗縹緲層檐疑結  
蜃等閒高臥笑元龍自傳家學三千眾誰數仙居十  
二重爲問芙蓉樓上客何如東海表齊封

延暉亭

馬士琪

香茅小結地尤偏捲幔頻看曉色鮮放眼乾坤工部  
句會心山水醉翁篇晴巒翡翠圖難寫霞海珊瑚釣  
欲懸指點劉安雞犬宅功成咫尺挾飛仙

竹月

馬士琪

西充縣志

卷十三

藝文中

詩

卅一

半隱叢篁裏蒼蒼暮靄浮幽光徐滿徑淨綠漸盈眸  
淇水竿懸影湘山笛送秋寥寥竹徑後猶自照風流

閨月

馬士琪

流黃停夜織靜女惜清輝虛影聊隨扇涼風不隔幃  
鸞羞霜鏡小鵲隱絳河微天末思君子山光點數圍

樓月

馬士琪

懶作仲宣賦空懸陶令琴仙居臨縹緲高臥口升沈  
潮上簷光白陰低樹影森凭欄聞玉笛梅落自橫參

舟月

馬士琪

空明搖盪槩泛宅月相隨今夕臨新鏡何年照古匜

滄江龍卧處赤壁鶴來時便載清光去寒潮不負期  
庭月 馬士琪

爲惜簾前色溶溶映碧紗砌苔閒步鶴門柳靜藏鴉  
對影成嘉客臨光煥彩霞翻然增逸况向曉不知斜

落花

十五首選六首

馬士琪

夢回春色已闌珊百舌聲聲語曉寒十里香風飄牧  
笛半溪紅雨打漁竿飛來瓦硯知詩苦偷入湘簾訴  
別難爲報君恩銜幾片枝頭黃雀莫輕彈

爛紅殘紫乍高低痛惜行人踏作泥六代鉛華蝴蝶  
夢一林風雨鷓鴣啼徒聞湘瑟人何在再問胡麻路

西充縣志

卷十三

藝文中

詩

卅二

已迷元亮尙存松菊徑不須空說武陵溪  
亦知尤物豈長存獨把空條餞一樽膏少青鸞絲已  
絕頰餘白獺玉爲痕將無藥就因奔月縱有香來不  
返魂我欲笑花花笑我只憑青帝一評論  
陌上籬邊泣曉風含羞含憾一叢叢香飄池面魚爭  
餌影掠簾鉤燕接蟲放葉詩隨流水上助妝人在夢  
魂中旣憐復損何勞爾消息誰當問化工  
雖有仙姿不駐顏漫言霧鬢與雲鬟明珠客去湘中  
水玉佩人歸海上山高閣莫吹猿臂笛小階全作鹿  
胎斑憑君寄語看花者且趁花時自往還

擬向芳叢試一歌殘紅已下最高柯  
定知人事無常好不信天心太折磨  
一代琵琶隨鐵騎十年荆棘卧  
銅駝瓊宮玉蕊收將去野草漫漫奈爾何

徐馮氏陳氏雙節行

高培穀 邑令

大孝可回天天眷只尺五大節可撐天一身卽天柱  
得一世所難奇哉兩接武西邑徐軍門家風邁往古  
當其先世時食貧而居苦馮乃祖母行力作夫遠賈  
姑衰病垂危無藥驅二豎夜禱泣向天精誠出肺腑  
霍霍廚中刀爲姑親割股其事雖不經心亦良足取  
叔母更堪欽先後繼芳矩黃鵠中夜唳故雄悲失侶  
篝燈紡織勤血濺女貞樹煢煢數十年孑然身無主  
宗子晝錦旋旌旗列行部皇皇上將軍大功平回虜  
綽楔請鄉紳填門綰簪組蔗無甘不回萊喜斑還舞  
爲譜雙節行筆端起風雨

西充縣志

卷十三

藝文中

詩

廿四

我本忠孝懷承乏於茲土偶聞父老談言之甚縷縷

留別

高培穀 邑令

誰譜梅花玉笛聲山城五月動離情身因久住翻難  
別淚到臨歧每易傾無術何由登上考捫心終覺負  
平生勞他父老慇懃送苦挽車轅不放行  
寂寂衙齋敞几筵晴嵐分翠萬山巔地非孔道無車  
馬戶喜編氓有誦絃愛看書教胥吏寫爲留碑許士  
民鐫傳家所恃惟清自治譜欽承已四年  
敢云花縣種河陽官吏年來分兩忘膏火有時分鶴  
俸春田爲汝課蠶桑訟稀自覺民風古心靜翻疑歲  
月長更喜放衙無箇事金鑪親爇午煙香

西充縣志

卷十三

藝文中

詩

廿五

驪歌一曲劇怱怱慙愧東郊禮意隆後會料能期異  
日此行不及待秋風好安舊業爲生計莫學游民曠  
厥功我是當年顏太守遷官猶自戀吳中